

Platt partu:

Plattpartu-Rundbreef – 2023-07

Inseltouristen-Idyll

In Dünensand un Bessenheid
liegt He un Se (ut Hessen beid),
de vun de Düün' un Watten swärmt,
an Koffie sik (an swatten) wärmt,
un wenn in'n Mulde Sand in liggt,
denn roopt se beide „Land in Sicht!“

Moinmoin, leve plattdüütsche Maten un Frünnen!

Ja, nu is de Ferientied, mennig Maten laat sik sachs al vun de [Oostseewellen verwöhnen](#); un beten sutje hebbt wi hier bi Plattpartu ok maakt. Avers een schönes Begeevnis full in den verleden Maand: de Afslussveranstalten vun den "Vertell-doch-mal"-Wettstried. Ik heff dor wedder mitdaan, ofschoonst ik dat gor nich wull; utdenken do ik mi ja nix, ik schriff bloots op, wat to mi kümmt. Un in'n Februar, kort vör den Insendesluss, keem dat. Wat? Dat köönt Se nu nalesen, hier op uns Süstersiet [vertelln.de](#), in de [eerst Geschicht](#). Se köönt sik natüürlich ok dat Book vun'n NDR köpen, denn de Geschicht keem in den Wettstried op Platz 2 un steiht in dat Book -- mit mennig anner gode Texte. Ok de Siegertext hett mit Tiedgeschichte to doon. Platt is en Spraak vun hüüt.

Op uns Plattpartu hebbt wi den Juni ruhig angahn. Bi Erika Fischer kriegt de [olen Pullwicheln eerst ehr Bläder](#), un ok de [Schaap hebbt ja to Anfang noch beten bibbert](#), man denn woor dat warm, un op't mehrst in't [Natuurnotizbook](#) warrst dat sommerlich Drieven wies -- düssen Maand mehr vun Planten as vun Deerten; ok de [Wäächwart](#) un de [Akelei](#) hebbt bi Behrend Böckmann nich blöht, ahn dat se en Porträt kregen hebbt. Bi't [Goornümgraven](#) sinneert Meike Balzer-Fraun över de [Plünnen vun ehr Leven](#); veel öller is [en Stickmusterdook](#), dat Behrend Böckmann mit en Riemel ehrt. Twee Reegn gaht ok to Enn düssen Maand, en lange un en korte: Günter Sohnmann [mustert endgüllig af vun sien Seemannsleven](#), un Behrend Böckmanns [lütte Reeg över Engel in uns Leven](#) sweevt ut. Dorbi weern Engels heel nötig in de [Welt](#); ik kunn gor nich so veel [kommenteern](#), as ik nich wull. Naja, [Lesen kann ja eh nüms mehr](#), un tominnst de EU is [op Smusekurs](#).

Gaht wi einfach alltohoop in't [Weertshuus to'n Wiedenboom](#) un laat uns dat goodgahn! Dor köönt wi den Sommer geneten.

Nu de Linkliste. Op de Links bruukt Se bloots klicken, dat Se henkaamt.

[Plattdüütsch Kunst:](#)

[De Schatzgråvers](#). Vun G.A.Bürger, översett vun Klaus-Dieter Tüxen (15.6.)
[Notizen ut'n Nevelmaand](#). Fotos un Verse vun Marlou Lessing (6.6.)
[Kalenner 2023: Juni – Braakmaand](#). Vun Erika Fischer (3.6.)

De Welt un Gott:

[Seemannsgarn: De "Wappen von Hamburg"](#). Vun Günter Sohnemann (24.6.)
[Engelflögels in'n Tööfruuum](#). Vun Addi Kahl (12.6.)
[Kleder un Kledaasch](#). Vun Meike Balzer-Fraun (11.6.)
[Engels in uns Läben: Engels koenen schwäwen](#). Vun Behrend Böckmann (8.6.)
[Oostseewellen trecken an den Strand](#). Vun Berthold Cordes (6.6.)

In't [Notizbook vun't Erinnern](#):

[Dat Stickmusterdauk](#). Vun Behrend Böckmann (20.6.)

Natuur un Wetenschap:

[Ziguur orrer Wäächwart](#). Vun Behrend Böckmann (17.6.)
[Steertblaumen in mienen Gorn](#). Vun Behrend Böckmann (11.6.)
[De "Sinn vun uns Leven"](#). Vun Marlou Lessing (11.6.)
[Schaapsküll](#). Vun Behrend Böckmann (8.6.)

In't [aktuelle Natuur-Notizbook](#):

[De Rest](#). Vun Jasmin Apcin (29.6.)
[Dei Träämsen bläuhn](#). Vun Behrend Böckmann (20.6.)
[Dei Potzlanroos](#). Vun Behrend Böckmann (17.6.)
[Överraschen in de Dröögde](#). Vun Marlou Lessing (12.6.)
[Ole Meisterin](#). Vun Jasmin Apcin (3.6.)

Wat in de Welt vörgeiht:

[Läsen, Schrieben, Räken...](#) Vun Behrend Böckmann (15.6.)
[Teemlich beste Frünnen](#). Vun Behrend Böckmann (8.6.)

In't [plattdüütsche Notizbook](#) vun Marlou Lessing:

[Deep in de See](#) (22.6.)
[Een mutt sik oppern](#) (12.6.)
[En Held in Russland](#) (11.6.)

För Kinner:

Modder Sünn ehr Kinner: [Dat Weertshuus to'n Wiedenboom](#). Märken vun Sophie Reinheimer, överdragen vun Klaus-Dieter Tüxen (29.6.)

Schöne Sommerdaag wünscht vun Harten

Marlou Lessing un dat lütte Plattpartu-Team